

Minister de Meza a bishita Carnival Village pa inspecciona trabaonan andando

Carnival Village ta kedando hopi bunita y ta casi cla pa Caiso & Soca Contest



ORANJESTAD (AAN): Minister di Asuntonan Economico, Comunicacion, Energia y Medio Ambiente, Ing. Mike de Meza a haci un recorrido dialuna mainta conhuntamente cu personal di N.V. Elmar, representantenan di Fundacion Musica, e contratista encarga cu e obra y su conseheronan na e Carnival Village pa asina

revisa parti di e trabaonan cu ta tumando luga den e loke ta e instalacion electrico prome cu e actividad di Soca y Caiso Contest cu ta bay inicia den e dianan aki. E mandatario a laga sa cu e luga a keda masha bunita y tin hopi comentario positivo pa e bunita proyecto aki pa San Nicolas. E siman aki a cuminsa cu ponemento di

asfalt, cual lo cay bao di e prome fase.

Segun e Minister, esaki ta e prome parti di e prome fase. Un dos siman prome cu e evento Fundacion Musica lo mester haya e parke pa cuminsa haci e setup. E ora ey e trabaonan ta stop. Despues di e contest e trabaonan lo continua pa caba cu e prome fase. E di dos fase ta encera e construccion di e podium y e kiosconan, entre otro, el a agrega.

Aworaki tin e muraya cu a worde traha, e hekwerk, e parti di e klinkers cu e asfalt, e cayanen y e parkinglot a keda cla. Minister de Meza a gradici e contratista cu a traha duro pa e parti aki por a keda cla prome cu e contest cual a keda basta bunita. El a laga sa cu e proyecto total ta costa entre 7 pa 8 milyon Florin. E prome fase mes tin un costo promedio di 5 milyon, el a agrega.

Difunto sospechoso "Pretu" den caso di asesinato di Helmien Wiels, Probablemente un sospechoso den atraco riba joyeria na Aruba

ORANJESTAD (AAN): Dialuna a tuma lugar un caso di apelacion pa loka ta un atraco cu a tuma lugar riba joyeria Gandelman y den e caso, a bin dilanti un informacion interesante.

Durante e caso di apelacion di sospechoso S.C.L.O kende a wordo acusa di a yuda cu entre otro cumpra cierto articulonan cu a wordo uza durante e atraco, a bin dilanti 3 nomber cu lo ta esnan cu a comete e atraco riba 28 di Januari 2012.

Tabata trata di uno cu fam Zimmerman, uno di fam Bonifacio y e otro su fam tabata Bautisma.

E descripcion di e tres personanan aki segun grabacion riba video, segun polis ta cuadra cu e personanan cu a drenta cu helm bisti den e joyeria.

Esaki a wordo determina a base di nan postura y con nan tabata cana etc.

Dialuna durante di tratamento di e caso e nomber di e sospechosonan a wordo menciona y na dado momento a uza e nomber "Pretu".

DIARIO a puntra e abogado cu tabata atende cu e caso si "Pretu", ta e mesun "Pretu" cu a wordo sospecha di ta envolvi den asesinato di politico di Corsow Helmin Wiels y cu despues a wordo asesina.

El a indica cu e "Bautisma" menciona Dialuna, ta e mesun Luigilorenzo Bautisma kende ta wordo yama "Pretu", cu lo tabata envolvi den asesinato di Wiels y cu despues a wordo asesina tambe.

E acusado den e caso di atraco riba Gandelman tambe a confirma esaki, pues cu un di e personanan cu nan a wak ta cana den joyeria Gandelman algun dia prome cu e atraco di dia 28 di Januari 2012 y cu ta wordo sospecha di a participa na e atraco, tabata Luigilorenzo Bautisma, alias "Pretu".



Step forward and take your business to the next level

Saturday, January 18, 2014

Time: 09.00 am - 3.30 pm
Place: Aruba Chamber
Admission: Free

Do you want to grow and improve your business?
At Business Plaza: Step Forward! you can:

- Receive information and guidance on how to restructure, set new goals and innovate your products & services
- Attend various presentations by invited professionals
- Attend workshops on business growth, company structures & tax benefits
- Consult organizations on location: Dept. of Economic Affairs, Cede Aruba

Advance registration is required to attend the presentations & workshops.
For more info: businessinfo@arubachamber.com | 582-1566 ext. 27/30/35/42
www.arubachamber.com

